



## PAENITENTIARIA APOSTOLICA

Prot. N. 589/20/1


### DECRETUM

PAENITENTIARIA APOSTOLICA, vi facultatum sibi specialissimo modo a Sanctissimo in Christo Patre et Domino FRANCISCO Divina Providentia Papa tributarum, Excellentissimo ac Reverendissimo Domino PETRO ANTONIO TREMOLADA, Episcopo Brixienti, benigne concedit ut die XIV Septembris MMXXI, quo claudentur iubilares celebrationes Societatis Militum Custodum Crucum Sanctarum, post sollemniter litatum divinum Sacrificium, impertiat Episcopis, canonicis aliisque presbyteris, diaconis, religiosis viris ac mulieribus, Militibus Custodibus Crucum Sanctarum atque Confraternitatum sodalibus omnibusque christifidelibus laicis adstantibus, qui vere paenitentes et caritate compulsi iisdem sacris interfuerint, PAPALEM BENEDICTIONEM cum adnexa plenaria Indulgentia, suetis sub conditionibus lucranda (sacramentali confessione, eucharistica communione et oratione ad mentem Summi Pontificis).

Christifideles qui PAPALEM BENEDICTIONEM devote acceperint, etsi, rationabili circumstantia, sacris ritibus physice non adfuerint, dummodo ritus ipsos, dum peraguntur, ope instrumenti televisifici vel radiophonici propagatos pia mentis intentione secuti fuerint, plenariam Indulgentiam, ad normam iuris, consequi valebunt.

Contrariis quibuslibet non obstantibus.

Datum Romae, ex aedibus Paenitentiariae Apostolicae, die XIV mensis Iulii, anno Dominicae Incarnationis MMXX.

  
Maurus Card. Piacenza  
Paenitentiaris Maior

Christophorus Nykiel  
CHRISTOPHORUS NYKIEL  
Regens